

أصوات أدبية

١٢٢



المينة العامة لقصور الثقافة

موال من الغنا الليلى

اشعار بالعامية المصرية

على محمدى على احمد

٤ سبتمبر ١٩٩٥

مستشارو التحرير

فؤاد حجازى
فاروق حسان
د. احمد السعدنى
د. زكريا عنانى

المراسلات : باسم مدير التحرير علي العنوان التالي
١٦ شارع امين سامي - القصر العيني - القاهرة - رقم بريدي
١١٥٦١

أصوات أدبية

سلسلة إسبوعية

تصدرها الهيئة العامة لقصور الثقافة

رئيس مجلس الإدارة

ورئيس التحرير

حسين مهران

نائب رئيس التحرير

على أبوشادي

المستشار الفني


محمد بغدادى

مدير التحرير

محمد كشيك

مدير التحرير التنفيذي

أحمد عبد الرازق أبو العلا




الإهداء

إلى بلدى

والى أمى .. وشريكة حياتى .. وأولادى ..

على محمدى على

□ • □



المقدمة

هذه مجموعة من شعر العامية جاءت إلى بدون عنوان أو ذكر موسم المؤلف، وأقبلت عليها في البداية بشئ من الحذر، فإن لكتاب هذه السطور موقفا من العامية يرى أنه يتسم بالاعتدال؛ فأساس التعبير الأدبي هو الفصحى ولا بأس من أن يكون وإلى جوارها هذا الوليد الذي حمل، وعبر الزمن، سلسلة من الأسماء كالملاحون والزجل وما إلى ذلك، شريطة ألا يتجاوز هذا الوليد حده وأن تبقى الفصحى الأصل والأساس ومدار القول.

و«الملاحون» بمختلف أشكاله وأسمائه يمكن، من وجهة نظري، أن يسهم في تعضيد الفصحى عند ما يرتقى بالنوع الأدبي ويقرب بين اللغة العامية وبين اللغة المعربة، والفن هو الفن على كل حال، وكما أن عبقرية الرسم يمكن أن تكون بالألوان والجواش والألوان الماء وأقلام الرصاص الخ.. فإن عبقرية التعبير يمكن أن تتنوع وتتلون إلى ما شاء الله.

كل ما في الأمر أن أعمالا كثيرة جاءت إلى وكلها بالعامية فهل هذا نذير خطر أم محض مصادفة؟ لا أعلم، على أن هذا الحذر الذي أقدمت به على قراءة هذه المجموعة لم يلبث أن راح يتلاشى شيئا مع مثل هذه الكلمات:

حلفت ما أبكى
ولا عيني تسح الاله
والاه .. حصاه
متعرضة في الحلق يا ولداه
لاهيا داخله
تاخذني بالالم وحدي
ولا نازلاه
أهين وأى
بيقولها ناي بكاي
سألته يا ابو النغم
فين الصبايات
تلم اللى هنا وغادى
قاللى النهارده مانيش فاضى
أغنى لحد
لحد ما تشق ريق الصبح غنوة جد
وقد نجد عنده الغنائية بكل ما تشيعه من طرب وترنيم مثل
قوله:
ياقبطان مسافر .. تلف الموانى

حاترجع لى تانى

ضرورى ضرورى

لان اللى بينا انكتب فى الدفاتر

إذا كنت فاكر

حقيقة شعورى

يابو القلب طيب

بحبك قريب

تغيب تغيب

وترجع ضرورى

والغنائية ليست عيبا، وإن كان تمثل زاوية، مجرد زاوية من
زوايا التعبير الشعري، وما كتبه صاحب هذه المجموعة من
غنائيات يدل على مبلغ تمكنه من الإيقاع، وهو فى الشعر العامى
معضلة، فهل نقيسه وفقا لأوزان البحور الخليلية أم أن لهذا
الشعر أوزانه الخاصة ومعاييره التى تتبع منه ؟ فى ظنى أن
الميزان الذى سار عليه الشاعر هنا ميزان تقليدى، ولكنه يتسم
بقدر من المرونة حينما والخروج على القاعدة حينما آخر:

أصل انتى لو عندك شويأ من خشا

تدخلى الدار م العشا

تتستري

لمى صحابك ع العشا

فإن هذه السطور - ومعظم القصيدة - تلتزم بإيقاع
«مستفعلن» ماعدا السطر الثاني الذي يأتي وزنه: «فاعلاتن»

وقد نختلف معه حول جملة هنا أو هناك، من ذلك، على سبيل
المثال، ما تعلمناه في كتب وآراء «الملحون» مثل مقدمة ديوان
ابن قزمان وكتاب «العاطل الحالى والمرخص الغالى» للصفي
الحلى، و«بلوغ الأمل في فن الزجل» لابن حجة .. الخ من أنه لا
يجوز إدخال ألفاظ وجمل معربة في ثنايا الكلام الملحون، ولكن
شاعرنا تأتي عنده جمل مثل:

فإذا ما الليل يفشى

تحلى ويانى المناغشة

والسطر الأول لا يمكن أن يقرأ ويضبط عروضيا مع ما قبله
إلا من خلال قراءته بالفصحى، وكذلك قوله:

أو سمهم ف جوف الحرف الشهم

نفذ

ياولد

من جد بغير الجد وجد

والبيت الأخير لا ينسجم لغويا مع بقية نسيج القصيدة
العامى، فضلا عن أن معناه غريب للغاية ؟ ونرى فى نفس
النص:

إن تحمل خبزا فوق الرأس
أو تعصر خمرا ملء الكأس
هذا لا بأس
هذا لا بأس وما تفكرش
الريح اتدير ما تديرش
القطر اتأخر ما اتخرش
قد تصبح شيئا ينفعنا
قد تصبح جاها ينفعنا
قد ترفع يوما فوق العرش
قد تقطع حبل الصمت
وتهدم باب الجب
قد تصبح سنبله أو نبتة حب
قد تبلغ فى القصر أشدك
وساعتها
مين يشهد ضدك ..

ولعل هذا جاء عفوا، أما لو كان مقصود فإننى لا أوافق

صاحبه على صنعه ولا أرى مسوغاً فنيا له ...
أشياء نختلف معها هنا وهناك... أما ما نتفق حوله فهو من
الوفرة بمكان، فصاحب الديوان له رؤيته وله جملة، وهو يملك -
في إطار الشعر الشعبي - أسلوبا يجعله قريبا، ومختلفا في
الوقت ذاته، من بيرم وجاهين وفؤاد حداد والأبنودي ...، يجعله
يخاطب قلوبنا وعقولنا بلغة الفن، أنبل اللغات....

د. محمد زكريا عناني

جلا جلا



يا كلمتى ..
يا حنضله
.. ممزعه بطن التراب ...
ومفرغه تعاريش على صدر البلد
... ياناعمه يا قلب الحرير
- حيلك كبير ... -
يقدر يلف الدنيا .. من غير ما تعب
... يام الجرس حلقان فى ودان الصبايا
سبحات على قلب الكبار
يامنتوره، ألفين نهار ..
راكزين على ضهر الليالى ..
امات غلت
صوتك قلت من تحت أنياب الغيلان ،
شافته النساييم .. شالته ،
لفت به الحتت ..
يا طيبه
ياللى إدين الفجر ..
صحيت فى النداوى تزروعك

مين ده اللى يقدر يقلعك

مين ده اللى يقدر ..

من مكانك ينتعك

دا والله لو

من فوق حروفك دقدقت ميت مطرقه

حتجلجلى..

لو يصلبوكى.. فوق صليب المشنقه

حتجلجلى..

جلا جلا..

يا ابو العيون.. قرب وشوف

الخير مراكب بالحقيقه محمله

والحرف فنيار انتصب وسط الضلام

والكلام خير

والصمت .. مسامير..

فى الشفاء متسمره

...

جلا جلا

بابو العيون قرب وشوف هنا الغناوى الخضر ...

طارحين العتابا، والمواليا،

والليالى والعينات

... لیلی یاعین ..

أَهْيَنَ وَأَهْ

الأول،، والثانية ، والثالثة

...

الأولى ..

.. ليل طلع عتمه، وبلغ الفجر

والثانيه..

.. فجری قرب یطلع وحیثشق ..

.. بليلة قدر

والثالثه ،

والرابعة ،

والخامسة،

المهم الضير

يارب الصبر

يارب الصبر

ياااااااا رب الصبر

کلام من جیل فايد

(١)

... والنهار ساعتين يروح
شمسنا تنزل تمسى ع البلد
تنزل تصحى الحلم فى عيون الصبيه والولد
تنحنى .. تنحنى شفايف ليلنا ..
من لون الشفق
تنحنى فوق الخضار
تقرا آية الخير فى صفحات الفيضان
سطر قمح، وسطر فول
ياماشا الله
ياحلاوة شمسنا ...
بنت النهار، أم النهار
لما تيجى مروح،
تبتسم للنيل .. ياخذها ف حضنه،
وبندوبها سكر ... فى القرار

.....

(٢)

عيني ع الشط البعيد
والقدم ع التل..

.. فى القيد الحديد
والحديد يا با انتظار
وقلبى يا با ..
حفان شعير
دايره عليه فى الليل طواحين الغلابا
آاه ياطواحين الغلابا
آاه ياقلبى
يا عريس الشمس
ياموسم الغناوى
كنت حلاب الندى ع الجسر لاخضر
والمراوى
كيف رماك البين وفاتك
كيف ليالات الحزن جاتك
خنقت فيك غنوياتك

....

(٢)

نجمة الفجرية طلعت ع الجبل،
سمعت غنايا
فكرت إنه بكايا
مهلت وقالته عيد

قلت ميت جوه منى ألف عيد
قالت ابعت لك شعاعه من ضيايا.
قلبي م الفرحه رقص
والتفت لقيت شعاع ابيض
إجا يسلم عليا
صحيت الغنوه اللي كانت مايته فيا
والتفت افراد إديا للشعاع
التفت لقيته ضاع
وأتارى
كان برق فى الضلمه سونكى البندقية.

کلام حب

مالك .. شيلي من على وشك شالك .. لاسمر
مالك ..

عماله تتداری ، ورا طرحة حزنك
تتداری ما تتداری
باين منها - رغم خطوط الهم - جمالك
مالك ..

...

بت ياخضرا
مانتي شباب
مانتي النيل ساير لسه ف عرق صباكي
«والولدات... قدامك وراكي»
«والفجر ..

.. بريقه وضاكى»
«والصبح الأخضر صلاكي»
«وندهتى ع القطب .. وجاكى»

...

بصى
لو إن هدومك - هلاهيل هلاهيل

ولو ان العصبا فوق راسك،
غراييل غراييل
ولو ان الهم بجد تقيل
ولو ان الليل ..
مارد راكز من فوق سدر انفاسك

...

وان كان الصمت -
منشار الجوز الطالع نازل ...
واكل حرف الكلمة
والكلمة ان كانت تايهه
ف ابعدھا مكان
هلبت ماكان
راح ييجى يوم وتبان
على طرف لسان
الواد
اللى ما داقشنى، ولا يعرفشنى..
طعم الخوف.

المهدف

قد ماتمعد فى قلوبنا الامانى
قد شوقنا للنهار الابيضانى
قد مانشقى ح نلقى
ويارادتنا ح نبقى
م النهارده خلق تانى

...

خلق نقدر نزرع الشمس ف سمانا
لاجل ما نزوق ضفايرها بفنانا
بالعمل تحلى الاغانى

...

النهار يصحى يصبح، ويلاقينا
الامانى الخضرا طارحه من ادينا
ع الطريق ما شيين زمايل
جهدنا يسوى الهوايل
والهدف قدام عيننا
الهدف .. الفجر يطلع بالبشائر
يفرش النور المداين والعمائر
واللى راح يرجع إلينا

...

يابلدنا .. ما تخافيش الفرحة جايه

الولاد العتره طالعين ع القنايا
العزائم فى الايادى
والقلوب بتقول بلادى
والتاريخ عاد الحكايا
ميت يمين حالفين ما نرجع يابلدنا
إلا لما الليل بدوب فى قلوب ولادنا
نبقى نيجى بألف رايا

سوال من الغنا الليلی

□ ۳ □

نخيت، وحملك شويه
مخزوم خزام شين ياقلبي
وشبت،
واتخشبت جواك دقاتك
لا انت اللى قادر تفضفض..
.. غل أناك
ولا انت قادر تخبي

...

«ياعين ياليل»
تخور ياسوس فى عضامى
نخور ياسوس القناوى الصابحه..
.. فى عضامى
وعدى قدامى
إحمل سلامى .. لكل منهمو حزين
- من عزوتى المجرحين -

...

وانده يا صوتى ..
روحولى يا جوعان ياهوه..

.. يامغنواتيه

حدش حداه غنيوه صبحيه

- ربيت فى حجر النهار

رضعت بزاز النيل-

حدش حداه مواويل..

بالطمي مغديه

مدد يا أهل الخطوه..

يا نياتيه

...

ياعين ياليل ...

(ندرن على .. لو فضل طرح الربيع صيفي

وكشر الريح، وزن البين على كتوفي

لا غمي شوفي

وأعدى فوق عيون خوفي

أعدى أبدر حروفي

قمح ودره. وشعير - ومواويل)

طفيت غليلي فى الغنا الليلى

...

(ياعيني يكفى بكا - هوا البكا عاده

وسجرة الهم جوه القلب مداده

دانا زرعت الكلام شهد
طرح الكلام حنضل
وعافرت ادادي ف قليل الاصل ما اتداوي)

...

والليل طويل يا با ..
ولا ناي، ولا ربابه
الليل طويل .. والنهار
قرار وصبابا

...

وتجيني ريحتك في الرغيف يا با
أشم في اللقمة ريحة حنيتك ع الناس
أشم في اللقمة ريحة العمر فوق كتفك
أكلبش الدمع جوه القلب،
وابعت أسلم عليك

...

مشتاق لكم مشتاق
سائله عليكم غنوتي
سائله عليكم لهفة الشوق في قلبي
مشتاق لكم يا قرايبي
.. مشتاق ..

.. أبوس الكف أم الشقوق

مشتاق

يا عيونى مطفيه

يا خلود مصديه

يا صنور باننيه

يا قلب يا بيضا - مستخيه

تحت الجلايه

مشتاق أنا ..

والليل طويل .. والنهار

مرار وصبابه.

مهر مهر

أحبك ..
قد ماأحبك .
وبأعرف كيف .
أحبك ..
في الشتاء «طوية»..
«ويؤونة» في صيف
أحبك ..
زى ماتكونى
ماهو انتى عارفه يا حلوه ..
بأحبك كيف
...
أدينى ..
تاخذى.. تدينى
تجيبينى .. تؤدينى
ما انا ناسك.. وانا راجلك
ومهرك

إن يكون مهرک فی بق الفول

- بحور الجان ح عديها -

واجيب مهرک

...

وجيتک .. والمسا الماسی ..

على راسی .. طقية لآخفه

وتحتيا بساط الريح

وجيتک ريح

لقيت ريح عشيق تانى

رمىت المهر على بابک

وعديت البرور تانى

وفتشيت السبع ترکان

(على الشطوط مرقدی ..

م الموج بنيت لى دار

وخنجر الهجر

بسنانه عليا دار

وان خيرونى وقالوا :-

ياجدع إختار

باختارك انتى ..

.. ومين غيرك بيرضىنى

دا الموت ستره ..

.. وفوتان الرفاقا عار)

...

.. واتارى الغربه غشاشا

وناس الغربه

يا عينى عطاشا .. والسبيل مليون

يا عين باليل ..

...

بانادى .. من بلاد الواق

أنا راجع ...

أنا مشتاق

مزاجى..

.. أجي .. والقاكى

واصلى لك صلاة الحب يا خضرا

وأقرا لك . كتاب النيل

مزاجى أميل على خدك

أندى اليد فى عرقك

وأرعى فيكى حباتى وأنا
- راکز على سدرک -
أوشوش حبتى تکبر
تطول الشمس،، وتعاود..
بنور أخضر
أقول الصبح ..
واستتظر
وأستتظر
واستتظر
لحد الفجر مايجيكى
وصوت الله على المدنة ..
يناديكى «تعيشى يا مصر»
ومن حقى وأنا راجلك
أضمک بين دراعاتى
.. «فى يوم النصر»
فى حضن شباب
فى عين سهرانه ماتتمشى
مدام حبيت ..
ماحكرهشى
دنا الحبيب .. وباعرف كيف

أحبك ..

في الشتاء «طوبه» ..

«ويوونه» ف صيف

أحبك ..

زي ما تكوني

ما هو انتي عارفه يا حلوه-

بحبك كيف

إبن النهار


الأوله باسم الله
والثانيه باسم الله
والثالثه باسم الله
والرابعة ..
أبو الأدين ع القيده اتملى
طال النهار جابه ..
إداه لاصحابه
وفرق المنابات ..
- ومنابه -
البت قالت :
يا بابا راضيا به ..
الدار معروشه
والمندره البحرية مفروشه
وازاى بقى دى الوقتى تخلى به
موش قلت له هات النهار - جابه -
واداه لاصحابه
وفرق المنابات
- ومنابه -
طيب يابوى طيب
هو الجدع فيه حاجه تتعيب ؟
عفى كما السنط ...

ومعرش كما الصنصاف
إن وطى ع الميه
يملا الترعه ع الطفطاف .
وان فات . على الزرع ..
عمر الزرع ما يجيب
طيب ..
.. ومين ما يحبش الطيب ..

....
يا اهل البلد
إيه رأيكم فى بت حبت .
واد جدع ..
واد منكم
لكنه لمالمنى
وبين دراعاته العفيه ، ضمنى
حسيت بأنه .. قدكم
ياهل البلد إيه رأيكم ؟ ..
....

والهدمتين جوه الدولاب دابو
والكلمتين تحت اللسان شابو
والوادة .. بشبابو
علمنى معناة الكلام
علمنى كيف رد السلام

علمنى أطلع م القرار
أحمل على اكتافى .. تباريح النهار
وارتاح على صدر المسا
علمنى حاجه كويسه
علمنى إن الحرف ينفد فى البولاد
لو من بولاد
والكلمة تولد ميت رغيف
عز الخريف
لما يقولها العاشقين
واحنا عشقنا ...
والسلام
والعشق مايبقاش حرام
مادام .. زرعت لنا الأمل ..
جوه القلوب
يبقى كده
- يحلى الكلام -



كلمات متقاطعة

جريت جرابى .. ماجابنى البر
(اجمع ، اطرح، واضرب ، واقسم .. والناتج صفر)
مديت اليد أشد العصر ..
.. لقيته فى حلق المغرب تاه
«الله فى سماه

وحياة النبى، ومين نباه»
إن تنت نسمة شرق الحته عفان
وان تنت دمة عين القيمة دما
لأمد عنيا ف جوف الويل
واصمى النجمة الغايمة ...
تضحضح حيل الليل
ولا شيل أكثر من حمل كتوفى أهات
ولا كحل عين الشمس الشاييه رموشها ..
بدمع عروسة النيل

...
ولانى جبان المديه
واللى جوايه .. تنتن جوايه .. والنيه
محرومة النيه ..
فإبنى

ح دفن غيظي المحروق
فى عروق القلب المشنوق
فى ضلوعى المتنية .. المطاطية
تحت مداس الريح

...

واستنى اللحظة -
الى ماجاتش لحد الآن -
- تيجى ، ماتجيش - سبان -
وامضغ احلامى الدايبه
واحبس همساتى الخاييه
- لتبان -

من خوف الجرسه ..
والسجان

وانا مالى -
أنا موش لقمان
أنا إيشى ان كان

....

رأسى ..
أخرس .. مابانطقش
أفقى ..

أعمى، مابا نضرش
أنا مش أكثر من بنى آدم
فى القرن العشرين .
الإنسان

- * -

قطر العيال

□ ٥٩ □

طال المطال .

والانتظار فوق الكتوف .

- تقل الجبال -

والشمس صلت عصرها واتورت

- يم الزوال -

شاورت على جسر الرجوع ...

غنوا العيال

(الشمس ادلت بالخولى

الشمس ادلت

وبلدنا بعيدة بالخولى

والضلمة .. حلت)

حلوا إديهم م الخطوط

واترصصوا فوق الشطوط

قام الوبور ..

القطر شوط فى الفيضان

إن هدى توت ..

وإن مد ... تويوتو،


وبالعجل ..

القطر عدى القنطرة ..

خش البيوت

- • -

قوله أمّ



أماه

أمة

جيتك مجروح

جيتك انتى ..

والموال رسمالى

خلينى احكى لك

خلينى أقولك موالى

عينى ياليلى يا ليلالى

(أنا كنت مجروح ..

بوجرحى فى الحشا بينوح ..

وف طلعت الروح

وصفولى الدوا إنتى

...

كثر خيرك يامه

لسه بتدى

لسه بتقرى الفاتحه ..

وأية الكرسي .. وترقى

لسه اللقمة ف بقى

ولو ان اللقمه ف بقى
عاده .. وناشفه ، ومخطوفه
لكن ..

أهى مقطوفه من فرعك
وان راحت آخر الدنيا ..

.. معروفه
لسه كمان الميه محلو به من ضرعك ..
.. مغشوشه

لكن ..
أهى هيا هيا
الى بتطفى حنينى وتحن عليه

...
شفتى أنا باخد منك إيه
شفتى انتى بتاخدى منى إيه
انتى بتاخدى ..
ضحكة قلبى ..
- وضحكة بنتى -

واللبابه إن شبت على بوابتى
وبتاخدى ..
سهرى الليل والحيل

ترمينى ..
قشرة رمانه
وتلمينى سكينه
تقطع قلب الحب فى قلبى
وتخليينى مقدرش احبك
لكن
أول مايتبل لسانى ..
بemie ضرعك
أول مايلف بحرف
بقواك
- بقواك انتى -
أماه
أمه
شفتى
شفتى أنا باديك إيه
.. إيه أكثر من قولة أمه ؟

- • -

تفرج بکره

□ ۶ □

... واما الشمس تهل ..
- بلونها العادي -
وتعدى الناحية دي ..
وتنزل
تنزل تفرش حجر الأرض ..
وتنوى ...
تنوى تقضى الفرض - الفايث -
تلقى العيش البايث .. لسه
ف بق الفقرا ..
وتفرج بكره
...
وبكره يعدى ..
يجيب .. ويودي
يلم الفرحة .. الطارحه ..
ف حضن اولادنا النونو
مهما يكونو
بس ساعات ان غير لونو ..
.. لجلن يدى ...

يسيب -، ويصيب

...

فالشاطر بس ..

يلحق كومه

قبل الديب مايقوم من نومه .

- خفوا تعوموا - لاجل تعيشوا

و اللى يحب يقلب عيشه

يرمح فوق الحمرا

- ف خيله -

ويجى معاه الديب

- من ديله -

ويطلع ..

قبل الشمس ماتنزل ..

تفرش حجر الأرض

- وينتف ريشه

- • -

«البصمجي»

□ ٧٣ □

خطى القمر ..

خطوة عجوز .. مهزوز

بيتطلع على حطان البيوت

.. عايز يفوت ..

من زحمة العتمه

...

متلجمه الخطوه الحلال

متكلمه حروف الهجا

متعوجه .. السنة العيال

«تارك يو»

«مانك يو»

...

ماتأخونيش

عن إننكم

.. لانا زيكم

ولا باعرف ارطن رطنكم

ولا بزوق كلمتى بحروف نفاق

...

وأنا واد جدع ..
مع إنى ماعرفش الزواق ..
أنا واد حدق
مع إنى بابصم ع الورق
وافهمها طاييره .. إنما
مابيدى غير حرفين عرق
أقدر بهم. أزعق فى وش الكذب ..
«لا»

...

وأنا بصمجبى
لكن إديا العرقانين عز الشتا
تقدر تشد
الصبيح من تحت
الغطا
تقدر تجيب اللقمه ..
لو متشعبطة ، ف جلد المرار

...

وأقدر كمان ..
أقدر أمد اللحظة دهر ..
أقدر أخلى السنط .

يطرح سله زهر
واقدر أقول للقوله
انتى عنىكى حمر
أنا حر أقول : لكنما ...
ريقى فى بقى .. لم .. يمر
...

وصحيح أنا يا دوى بابصم ع الورق
وصحيح لازلت هزيل ..
على قراية الكتاب
لكنى .. موش كداب
أقدر أقف - كده - ...
والسدر مفتوح للمدى ...
وانطق بحرفينى العرق
أقدر أقول .. للكذب لا ،
...

وصحيح أنا ..
مايسعنى غير بيتى ..
وجلاييتى ...
وحضن أمى ، وفدانى
وصحيح أنا ..
ياخلق وحدانى ..
لكين ..

حقاآنى .. ما يضيعشنى ..

...

ما قولكشنى ..

تفور لقمة ما تشبعشنى ..

وهدمه ..

لوما تسترشى ..

وكلمه .. لوما تنفعشنى

واغور ..

لو إنى ما قدرشنى .. أعيش ناسى

وادارى البطح فوق راسى ..

ولا اتخلى

يا أملا الحب فى القلة .. وأسقيكم

يابات عطشان .. - ولا اشربشنى -

- • -

الفرجه
(أصل + ٦ صور)

مجموعة:

جلا جلا جلا
يا صوت حلو انجلي
بالألحان والأغاني
والصوره ام المعاني
إن كنت اسكندراني
فرجنا أولاً
جلا جلا جلا
«الأصل»

صورة (أ)

بما إني .. مابعدت عنك قيراط ..

وبينا ارتباط ..

.. بالميلاد .. والخلف

وإن اللى بيننا «صلاة النبي»

بنيا وصبي ..

وكلمة شرف ..

... لاغيثك ... نطقتي

بحبك بطاقتي

ياصورة بطاقتي

وليا الشرف

...

بحبك بفنك ..

ومن صفر سنك

يكون حته منك ...

ولا فلا

....

جلا جلا جلا

صورة (٢)

بما إني .. من مواليد الميدان ..
وعندى المكان
لا جل بنت الحلال
ولأني .. أما بهوى جمال حى شرق
ما بقصدش فرق ..
الجمال والدلال
... كفاية البنية
من اسكندريه
تحس اللى بيه
... وفاهمه المجال

...
بحبك بفنك
ومن صفر سنك
يكون حته منك
والإفلا

...
جلا جلا جلا

صورة (٣)

ياقبطان مسافر .. تلف الموانئ

ح ترجع لى تانى

ضرورى .. ضرورى

لان اللى بينا انكتب فى الدفاتر

إذا كنت فاكر

حقيقة شعورى ..

.. يابو القلب طيب

بحبك قريب

تغيب .. ، تغيب

وترجع ... ضرورى

...

بحبك بفنك

ومن صفر سنك

يكون حته منك

وإلا فلا

...

جلا جلا جلا

صورة (٤)

صلاة النبي .. ياللى حيلك كبير ..

وشايله الكثير

من هنا .. ومن هنا

وسدرك يساعى ألوف الألو

يا حضن الضيوف

م السنه .. للسنه

... بلغوة لسانك

عروسة زمانك

ودايماً مكانك

تعالى البنا

....

بحبك بفنك

ومن صفر سنك

يكون حته منك

والا فلا

...

جلا جلا جلا

صورة (٥)

بما إني .. فاهم حقيقة أساسك
وحافض مقاسك
وغاوى العلام
وإني .. ماتتهش - أطوفك مصانع
وساحة الجوامع
وصاحبة مقام
.....
حداكى .. ، حداكى
وخيرك مداكى
أصلى ف حماكى
واسمى ... ونام
...
بحبك بفنك
ومن صغر سنك
يكون حته منك
ولا فلا
...
جلا جلا جلا

صورة (٦)

حياتي .. يا بسمة ربيع الليالي

يا طالعه العلالى ..

وطايله القرار

يا كلمة أمان الزمان ادهالى

تعالى .. تعالى

نصحى النهار

... نصحى السنايل

تغنى البلابل

بحبك وقابل

أجيب الشوار

...

بحبك بفنك

ومن صفر سنك

يكون حته منك


والا فلا

...

جلا جلا جلا



بعضی



موش تختشى ...
أصلى اما شفتك بالقميص الشفتشى ..
... ف حضن المغارب
لما كان الليل مقارب ..
شفته شارب .. وانتى ..
سايه الباب موارب
- بعضشى ..
موش تختشى

...
أصلى انتى لو عندك شويه من خشا
تدخلى الدار م العشا ..
تسترى
لمى صحابك ع العشا ...
كيف تقدرى
ابن البلد .. ، والفنجرى ..
والبندرى ..
الفنجرى فيهم عشان لحظة رضا
أما إذا الليل انقضى ...

ويشبع يقوم
فعلى العموم
من فين تلاقى فنجرى ساعة الزوم

...
أنا موش بلوم
لكن مدام ...
لسه شبابك ما نطفى
فستانك المقطوع بإيدك بترفى
واللى يحبك فى الخفا ..
ماتحبهوش ..
لو قلبه قدامك حفا

...
متخوفه ..
إن كان على ما تخافيش
أنا زى كل الناس .. باعيش
عايز أعيش ..
ويكون لى وسط الناس
مجال
أكره - وأعشق بالحلال
مايهمني غير

سترتى
وبنيه تحفظ غربتى

...

وتبدأ معايا من مفيش
مايهمنيش ..
.. إلا اما تبقى الشمس غير الشمس
هو النهارده بيختلف عن أمس

...

ما الهمس فى بق النهار تسابيح
والكلمه دايره ... بس فى التصاريح
والليل قبيح .. جدا
رغم انه متمدن
يقبض كراه عدأ ...
ويطاطى حسب الريح

...

إن قال : - مليح
بيضيع كلامه الحلو .. وش الفجر -
ما يطلشى «طاقة اقلدر»
والأجر عند الله ...
الله .. يا أصحاب الكلام المر

أنا زيكم موش حر
أنا زيكم مضطر ... أتربي -
والكلمه لو شابه .. ما تتخبى ..
ورا ساتر
يارب يا ساتر
من كل عين سارجه

...
يا لغوتي الدارجه
يا أم أفكاري ..
وانتي اما تتداری
وانا حر فی داری
والمجدعه كاری
مايقاش أنا المصری
واسمی .. فصیح عصری

...
يا كلمتي الدارجه ..
ما تبقى من دمی
متفمسه ف همی
... إن تبتنی بالامر ..
وتحللي الخمر ...

والزمر في الجامع

وتصلى لى سرهم باتع

...

يا كلمتى الدارجة

ما تبقى من دمي

ولا بنت ابوى ... وامي

ان قلتي للكذاب يا عمى ...


... وعشان بقيت شايب

ماقدرش أكون عايب

ماقدرش أرجع ع الولاد شارب

ولا اسبش جبل البت .. ع الغارب

—•—



الحب هو

□ ١٠ □



أحب لما أحب .. أكون محبوب

وأما أنكره .. أكره يديوب

وأعرف مقام الهدمه ..

لما تدوب ...

فاليسها بالمقلوب

واشبع ببقمه ..

- انشأ الله حاف -

واتمد على قد اللحاف

أصلى أما باشبع وانكسى

باصقع .. وأخاف

...

باصقع .. وأخاف ...

وانسى .. يا عم ..

لو إن الطريق ونسه

وكنت غنيت للقمر ..

وما كنتش احكى للسما تحت المطر .

- قصه -

وألّف بالبصه

وأنا اما بادی الحب ..

باتوصى .

...

يعنى أنا لما بافتح سدرى .. بيساعى

واقطع دراعى ..

إذا حسيت بانه انشل

واققع عنيا بصباعى ..

لو نضرها قل

وانا قلبى صندل -

- يشيل الحفل بالراحه -

كام شال لهم فى العوز

شلوه فى الراحه

...

وحليب يا قلبى ..

حليب يا قلبى دنا مربيك على كيفى

وفرشت لك سدرى ..

- حصير صيفى - ..

وضلوعى بنيه

علمتك ..

الغنوه الفرايحيه

وسلامة النيه ..

وخوفى عليك .. خوفى

...

والخوف بقى

الخوف بقى .. فالعمر ماهوش بعزقه ..

والحلم .. مايشبع جعان ..

واللقمه

ماتملاش حنك ...

إلا اما تبقى بالشقى متعرقه ..

موش بالكلام

أه يا سلام

أه بس

«لو تتبل فى البق الحروف»

أه بس

«لو متسنكره ودان الحيطان..

ماكانش حد ييات جعان ..

والأعمى كان ..

.. يصبح يشوف .

— • —

سلوكيات

□ ١٠ □

يا عم يابو العيال أكثر من الدسته
ومنين ماتيجي تناديهم تلزمك لسته
ماتكنش طالع سبق أو خدتها مقاوله
واللا انت غاوى تناكف بس فى الدوله
والدوله إيه عمله مادمت موش حافض
مهما بتنصح جنابك بتلاقيك رافض
قالت لك اتنين كفايه قلت والتالت
وانسيت حدود الخلف - راح الزمام قالت
والست لسه مزاجها ف بت أو عيل
والكيل مطلقف لآخره .. ويرضه بتكيل
مش شفت جار الهنا خلف على قدده
من بعد تانى ولد باب الخلف سده
علم ولاده الأدب قبل الملاغيه
علمهم ازاي حياتهم تبقى عصريه
أما انت ما عرفت فين الشين م الصالح
ومشيت تخطب ماتعرفشى لفين رايح

اشرب بقى من كيعانك خل يا فالج
وانكانش عاجبك بقى اشرب من المالح
لو كنت فاهم عيالك يرحموا شيبتك
تبقى انت خايب قوى ما حد خاب خيبتك
ابنك يحبك غنى ما يهمهوش عيبك
وان مدلك ايد .. تكون التانيه فى جيبك
وان قلت ضهرى عليهم فى العجز يركن
إن بان له عيبك يسببك من بعد ويكن
أخبرتها علم ولادك ما يكنوش شكلك
وان ماعملتش كده .. يبقى حلال قتلك
علمهم ان الخلف موش مسألة كتره
عيل بنيه كفايه .. بس للذكرى
علمهم الدرس إالى أنت أكيد حافظه
والا انت رغم اللي كان لكن كمان رافضه
واسأل مجرب ولا تسألش متعلم
يمكن تلاقى الطبأبا .. وربنا يسلم
وشيل من الدرس ماتقدر على شيله
فاللى انقرص م الحنش بيكش من ديله

- • -

سلوكيات (٢) دردشه

□ ١٠ □

يزيد فضلك ..
بإيه ح قدر ألا غيكى ...
وأحفض لك أغانيكى ...
ولا قادر أفضفض لك ..
ولا جبت اللى يغنيكى ...
يزيز فضلك

...
حبيبتى ..
لحظة من فضلك
أنا اتعودت من صغرى
أكون دغرى
أخش ف فرشتى بدرى
وأصحى الفجر ...
أتوضى ..
وأنوى الفرض
يتقضى
لا باستنا اما طاقة القدر تفتح لى ...

- وتحذف لى حقان فضه -

فبا للقمايه .. تتقضى

وبالهدمايه ..

لوقضى ..

مابتخباش فى هدومى

ولأغيرش مفهومى ..

ولا عادتى ...

سعادتى .

إنى مابنساش تربيتى ..

وأهليتى ..

وما اتأخرش عن بيتى

وما تمساش .

ولقمه بملح .. مابلعهاش ..

.. من غيرك ..

فمن غيرك أنا ما سواش

...

حبيبتى ..

النهار تباريح

وليل شبيح ..

وتتابله

وناس أشكال .
وميت إشكال .
ومليون عنتره ..
وعبله
وانتى طيبه .. وقايله ...
... تعيشى ف جوريج عاصفه
- مجازفة -
بس .. فيه وصفه
لأرض صفنته خالص ..
مهيش فى الحى ده خالص
ولا فى البر ده خالص
تساعى اثنين ...
بمناصفه
أنا .. وانتى
لغاية ما لأمور تصفى
...
لغاية ما لأمور تصفى ...
وتتعدل
حبيبتي ..
الكتف متهدل .

وزند دراعی متخدل ..

- من الشيله ...

وذب العيله فى رقبتى

وفوق طاقتى .. لكين

مادليهاش واطى ..

ولا فرطش فى عرضى ..

ولا ف أرضى ..

ولا امراتى

ولا ح غلب بمخلاتى

..

حياتى .

لو محاسبنهاش ..

بتمشى

مدام راجع .. ومتعشى

ولا انتى تكشرى ف وشى

كما لو كنتى عال العال

حياتى ..

تزعلش آمال

خداكى جلابيه ، - بوال -

وطرحه . وشال

وعندك ...
نوتة اليقال
وصفحة .. ف دفتر القماش
وصلى ع النبي .. -
- ببلاش -
لحين تفرج
يجوز تفرج
يجوز بكره
يجوز بعده
يجوز
ميين عاش
- • -

1. The first part of the document is a list of names and addresses of the members of the committee. The names are listed in alphabetical order, and the addresses are given below each name. The list includes names such as Mr. J. H. Smith, Mr. W. B. Jones, and Mr. C. D. Brown, among others.

2. The second part of the document is a list of the names of the members of the committee who have been elected to the office of the chairman. The names are listed in alphabetical order, and the addresses are given below each name. The list includes names such as Mr. J. H. Smith, Mr. W. B. Jones, and Mr. C. D. Brown, among others.

3. The third part of the document is a list of the names of the members of the committee who have been elected to the office of the secretary. The names are listed in alphabetical order, and the addresses are given below each name. The list includes names such as Mr. J. H. Smith, Mr. W. B. Jones, and Mr. C. D. Brown, among others.

4. The fourth part of the document is a list of the names of the members of the committee who have been elected to the office of the treasurer. The names are listed in alphabetical order, and the addresses are given below each name. The list includes names such as Mr. J. H. Smith, Mr. W. B. Jones, and Mr. C. D. Brown, among others.

5. The fifth part of the document is a list of the names of the members of the committee who have been elected to the office of the clerk. The names are listed in alphabetical order, and the addresses are given below each name. The list includes names such as Mr. J. H. Smith, Mr. W. B. Jones, and Mr. C. D. Brown, among others.

حدوتة قبل النوم

المهم اتسمى باسمك ..
وابقى واحد م الرعيه
المهم .. ان كنت لابس بدله غيه ..
أو طاقيه .. وچلابيه
انقش اسمك ع الصديري
المهم ان دقتي خيرى
تبقى ماتبصيش لغيرى

...

يا صبيه ..
.. فى الأمور العائليه
بابقى ليه وضع تانى
بابقى أكثر من أنانى
يعنى ...

لا دهليز يشوفك
أو على شباك تبانى
وإما أرجع من محلى

تفرشى حجرک أصلی
تفتحی سدرک ییوح لی ...
تنزل الناموسیہ کحلی
ویاللی أمان یاللی

..
فإذا ما اللیل یغشی
تحلی ویاکی المناغشه ..
.. والمعاتبه
یا صبیبه .

شرط مکتوب فی القسیمه
إنی أکون راجل وقیمه ..
وملو توبی

کنتی فکرانی یا دویی
- لسه باتهجي الکلام ..
أو منیش واخذک فی بالی
لا .. دنا حافض مجالی ..
واللی ربتنی اللیالی
- یعنی موش ناقص علام -

...

يا صبييه ..

المسائل هيه هيه

والحروف نفس الحروف

إنما رغم الظروف .. اللي احنا فيها

أى كلمه خوف ماعنتيش ح تلاقيها

ف أى دفتر

والولاد بكره اما تبكر ..

- فى المدارس -

يكبرم بيقوا فوارس

يحفضوا لغوة لسانى

يقدروا يملوا مكانى

من هنا ...

.. يبدأ شبابى

واقدر اكتب لك كتابى

واعملك عنوان ديوانى

...

إنما كونك فى بيتى

لسه بتحاسبى فى ماهيتى

ح فضل أنى .. زى مانى

يعنى ..

لا دهليز يشوفك

أو على شباك تبانى

وأما أرجع من محلى

إفرشى حجر ك أصلى

تفتحى سدر ك يبوح لى ..

تنزل الناموسيه كحلى

وياالى أمان ..

ياللى

— • —

الغنوه الأولى

مش معنى إن الريح مش معنا نموت ..
ولاكون القطر اتأخر ..

موش ح نفوت

من معنى سكوت الحرف

ف بق الخلق فضيله

دى قلة حيله ..

وقلة فهم

فالحرف الخايف يفضل وهم ..

أوسهم ،... ف جوف الحرف الشهم ..

.. نفد

يا ولد

من جد بغير الجد وجد

...

إن تحمل خبزا فوق الرأس

أو تعصر خمراً ملء الكأس .

هذا لا بأس ..

..

هذا لا بأس، وما تفكرش

الريح اتدير ماتديرش

القطر اتأخر ما تأخرش
قد تصبح شيئاً ينفعنا
قد تصبح جاها يمنعنا
قد ترفع يوماً فوق العرش

...

قد تقطع حبل الصمت ...
وتهدم باب الجب
قد تصبح سنبلة أو نبتة حب
قد تبلغ في القصر أشدك
وساعتها ..
مين يشهد ضدك .

...

وساعتها مين يشهد ضدك إلا الجاهل
وأنا يا ولدى الى استاهل.
علشان باتساهل ...
واتجاهل أمر الأمرا
علشان ماوقفقتش في طابور الشعر ..
استنى إحسان القصر
علشان ما فهمتش سلو العصر
وإن الرقص وهز الخصر .. - ف مصر -

ضروره ..

علشان ماطلعتش فى الصوره

مشقوق نصين.

النص الاول للأمرا

والثانى للساده الشعرا .. أمات وشين

ياولدى ..

إن تكتب شين فى بلدنا تصح

فالغنوه الأولى فى بلدنا ..

.. السح الدح

— • —

صدر من هذه السلسلة

- ١- مختارات من الشعر العامى..... شعر
- ٢- قصائد مصرية..... شعر
- ٣- صوت البرية..... قصص
- ٤- دراسات أدبية..... تأليف: حسين عيد
- ٥- الزمن الحرام..... شعر: محمد الشرنوبى شاهين
- ٦- كتاب الأمكنة والتواريخ..... شعر: عبد العزيز موافى
- ٧- أول الجنة أول الجحيم..... قصص: سعد الدين حسن
- ٨- ضل من غوى وسر من رأى..... شعر: صلاح اللقانى
- ٩- الزهرة الصخرية..... رواية: محمد الراوى
- ١٠- سليمان الملك..... شعر: محمد سليمان
- ١١- دائرة النور والظلام..... قصص: محمود علوان
- ١٢- مكتوب على باب القصيدة..... أشعار: عماد غزالى
- ١٣- صباح الحب الجميل..... قصص: رفقى بنوى
- ١٤- انفلات..... قصص: مصطفى الأسمر
- ١٥- فى ذاكرة الفعل الماضى..... شعر: محمد صالح الخولانى
- ١٦- قطوفها وسيوفى..... شعر: سمير درويش
- ١٧- أولاد المنصورة..... رواية: عبد الفتاح عبد الرحمن الجمل
- ١٨- الحصار..... قصص: وفيق الفرماوى
- ١٩- احتمالات..... شعر: مفرح كريم
- ٢٠- ثلاث دقائق للأجراس..... قصص: فتحى فضل
- ٢١- طائر الشمس..... شعر: محمد مهران السيد
- ٢٢- بكات الدم..... قصص: حجاج حسن
- ٢٣- صلوات خاصة..... قصص: عبد المنعم الباز
- ٢٤- مكابدات سيد المتعبين..... شعر: السماح عبد الله
- ٢٥- الأمثال فى الكلام تضىء..... قصص: محسن يونس

-
- ٢٦- زهرة اللوتس ترفض أن تهاجر..... شعر: محمد محمد الشهاوى
٢٧- كتاب الوقت والعبارة..... شعر: محمد آدم
٢٨- عودة السيد عدنان..... مسرحية شعرية: طه حسين سالم
٢٩- المرسى والأرض..... رواية: فريد محمد معوض
٣٠- تقاسيم..... شعر: محمد كشيك
٣١- حلم السكك البعيدة..... قصص: على عيد
٣٢- أى حوائج معى..... شعر: حسن النجار
٣٣- عملية تزوير..... قصص: رجب سعد السيد
٣٤- قيس..... مسرحية شعرية د. أنس داود
٣٥- طفلة بتحبى تحت سقف الروح..... شعر طاهر البرنبالى
٣٦- يهبط الحلم بصاحبه..... شعر: عبد المقصود عبد الكريم
٣٧- إنها تومى لى..... شعر: رفعت سلام
٣٨- الهامشى والبحر..... رواية: أحمد عبد الله متولى
٣٩- حكاية بهية..... شعر: محسن الخياط
٤٠- العسكرى ٦٥٠٦٥..... قصص: شحاته عزيز
٤١- من أروقة الغابة..... قصص: محمد عبد الله عيسى
٤٢- اليمامة والنهر..... شعر: احمد الحوتى
٤٣- عجائب يازمن..... شعر: إيمان بكري
٤٤- فى مدينة الوجوه القصدير..... شعر: جميل عبد الرحمن
٤٥- بصمات منقوشة بالحنين..... شعر: عبد الدايم الشاذلى
٤٦- قطرات من شلال النار..... شعر: فوزى خضر
٤٧- اغنية بلا وطن..... شعر: يس الفيل
٤٨- مذكرات شاب..... قصص: صبحى مراد متى
٤٩- وردة الكيمياء الجميلة..... شعر: على منصور
٥٠- الرؤيا والوطن..... شعر: صلاح والى
-

٥١-	بعض الوقت لدهشة قصيرة.....	شعر: وليد منير
٥٢-	من دفتر الصمت.....	شعر: محمد عفيفي مطر
٥٣-	طفل الجبل الملهب.....	قصص: سناء محمد فرح
٥٤-	فاطمة.....	شعر: عزت الطيرى
٥٥-	١٦-١١-٨٢.....	قصص: جمال نجيب التلاوى
٥٦-	حرير الوجشة.....	شعر: أحمد زرزور
٥٧-	كفك.....	قصص: هدى جاد
٥٨-	لحظات فى زمن التيه.....	قصص: السيد نجم
٥٩-	بئر الأحباش.....	قصص: عبد العال الحمامصى
٦٠-	تحويلات البحر.....	قصص: فؤاد مرسى
٦١-	الدوامة.....	رواية: كمال مرسى
٦٢-	حالات من العشق.....	شعر: فؤاد سليم مغنم
٦٣-	كان يوم صعب جدا.....	مسرحية: هشام السلامونى
٦٤-	قلب الورد.....	قصص: مصطفى أبو النصر
٦٥-	العاشق والنهر.....	شعر: د. صابر عبد الدايم
٦٦-	شارع البير.....	رواية: مصطفى نصر
٦٧-	العصب الحابر.....	شعر: ابراهيم رضوان
٦٨-	الرياح.....	شعر: عبد الشافى داود
٦٩-	فك الحزن.....	قصص وحيه عبد الهادى
٧٠-	كتابة الظل.....	شعر محمود نسيم
٧١-	سأعود متأخرا هذا المساء.....	قصص محسن خضر
٧٢-	تأويل مرثية تجيء.....	شعر: أحمد أبو زيد
٧٣-	مخاوف صغيرة.....	قصص: محمد المندى
٧٤-	خور رحمه.....	قصص: حسن نور
٧٥-	إمساك العصا.....	قصص: السيد زرد
٧٦-	موسيقى التكوين.....	شعر: خالد عبد المنعم

٧٧-	رد الروح لطير الدوح الجريح	شعر: هاشم زقالي
٧٨-	رائحة النبع	قصص: بهي الدين عوض
٧٩-	ما زالت عندي أغنية	شعر: محمد بخيت الربيعي
٨٠-	ضوضاء الذاكرة الخرساء	قصة: حمدي البطران
٨١-	من أسفار القلب	شعر: درويش الاسيوطي
٨٢-	وقائع غرق السفينة	قصص: إدريس على
٨٣-	الغائب والبركان	مسرحية محمد سعد بيومي
٨٤-	الضوء والظلال	رواية: محمد قطب
٨٥-	الدخول إلى الجزر	شعر: مصطفى العايدى
٨٦-	هي امرأة	قصص: جمعة محمد جمعة
٨٧-	الريح والنخل والغراب	أشعار: حجاج الباي
٨٨-	الفجر	رواية: أحمد محمد حميدة
٨٩-	من أوراق موت البنفسج	قصص: إبراهيم جاد الله
٩٠-	ترحال	أشعار بالعامية: محمد العتر
٩١-	فيض الجوارح	قصص: سيد عبد الخالق
٩٢-	أيام	شعر عامية: بهاء جاهين
٩٣-	النسر الأعمى	مسرحية: فكرى النقاش
٩٤-	المصباح	قصص قصيرة: إسماعيل بكر
٩٥-	قد يضيع دمي بينكم	شعر: محمد فهمي سند
٩٦-	الحكاية وما فيها	قصص قصيرة: محمد عبدالله الهادي
٩٧-	النغم والزمن	قصص قصيرة: هشام قاسم
٩٨-	حيوانات الليل	مسرحية شعرية: فريد أبو سعدة
٩٩-	كتاب النبوءات	شعر: بهاء الدين رمضان
١٠٠-	الصمد الأخير	شعر: محمد عيد إبراهيم
١٠١-	انشطار	قصص: محمد حانظ صالح
١٠٢-	شارع المعقول	رواية: نبيه الصعدي

-
- ١٠٣ - تغريبة عمر نجم شعر : عمر نجم
١٠٤ - اللعب تحت المطر قصص : حاتم رضوان
١٠٥ - غير المألوف قصص : قاسم مسعد عليوة
١٠٦ - «ظل الصمت» قصص : ربيع الصبروت
١٠٧ - لماذا أيها الماضي تنام في حديقتي شعر : عبد المنعم رمضان
١٠٨ - في مستهل الوجع شعر : حسين القباجي
١٠٩ - فن واو عبد الستار عبد الستار سليم
١١٠ - المتوحشون قصص : حسين البلتاجي
١١١ - ديوان عبد الله شرف عبد الله السيد شرف
١١٢ - الخروج من المدينة مسرحية : د. مصطفى عبد الغني
١١٣ - ديوان الكابتن غزالي شعر : الكابتن غزالي
١١٤ - غابة الدندنة شعر : علاء الدين رمضان
١١٥ - قارئ في الشارع قصص : محمود عوض عبد العال
١١٦ - شتاء الأسئلة شعر : عيد صالح
١١٧ - أرواح هائمة قصص : السيد ابراهيم
١١٨ - الشمس لا تدخل القبور قصص : سعيد بكر
١١٩ - مواسم العطش والجوع شعر : محمد حسني ابراهيم
١٢٠ - حظرات وقطرات شعر : محمود بكر هلال
١٢١ - سطور من دفتر الغربة قصائد : ابراهيم الباني
-

رقم الايداع ٩٥/٤٧٠٢